

萬有文庫

第二集七百種

王雲五主編

後漢書集解

(二)

王先謙集解

商務印書館發行



皇 文 書 庫

圖書集成


經世文編

經世文編

卷一百一十五

經世文編

經世文編



後漢書集解

(二)

王先謙集解

國學基本叢書

顯宗孝明帝紀第二

後漢書二

宋宣城太守范曄撰
唐章懷太子賢注

王先謙集解

顯宗孝明皇帝諱莊

謚法曰照臨四方曰明。伏侯古今注曰莊之字曰嚴。〔集解〕惠棟曰袁山松後漢書曰帝諱陽一名莊。字子麗。東觀記曰建武四年五月甲申皇子陽生。上以赤色名之曰陽。風俗通曰明帝與光武同月生。

光武第四子也。母陰皇后。帝生而豐下。

杜預注左傳云豐下蓋面方也。東觀記云帝豐下兌上項赤色有似於堯。

十歲能通春秋。光武奇之。

〔集解〕惠棟曰東觀

記皇子陽至十三年通春秋。上循其頭曰吳季子陽對曰愚。無比及阿乳母以問師傅曰少推誠對師傅無以易其辭。

建武十五年封東海公。十七年進爵爲王。十九年立爲

皇太子。

〔集解〕惠棟曰東觀記本紀曰上幼而聰明睿知容貌壯麗世祖異焉數問以政議應對敏達謀謨甚深溫恭好學敬愛師傅所以承事兄弟親密九族內外周洽世祖愈珍上德以爲宜承先緒建武十七年十月詔廢郭皇后立陰貴人以爲皇后。

以南海王立爲皇太子。治尙書備師法兼通九經略舉大義博觀羣書以助衡學無所不照。汪文臺曰御覽五百九十一引華嶠後漢書曰明帝自制五行章句先謙曰劉隆傳光武見陳留吏牘上有書視之云潁川宏農可問河南南陽不可問。帝詰吏由趣吏不肯服。抵言於長壽街上得之。帝怒時顯宗爲東海公年十二在幄後言曰吏受郡敕當欲以墾田相方耳。帝曰卽如此何故言河南南陽不可問。對曰河南帝城多近臣南陽帝鄉多近親田宅踰制不可爲準。帝令虎賁將詰問吏乃實首服如顯宗對。建武十九年妖巫單

臣、傅鎮等入原武，自稱將軍，賊宮圍之，數攻不下。帝問公卿諸侯王方略，顯宗時爲東海王，獨對曰：「妖巫相劫，執無久立。」師事博士，其中必有悔欲亡者，但外圍急，不得走耳。宜小挺緩，令得逃亡。逃亡則一亭長足以禽矣。帝從之。賊衆分散，遂斬臣鎮等。

桓榮學通尙書。

〔集解〕先謙曰：詳具榮傳。

中元二年二月戊戌，卽皇帝位。年三十。尊皇后曰皇太后。三月丁卯，葬光

武皇帝於原陵。

帝王紀曰：原陵方三百二十步，高六丈，在臨平亭東南，去洛陽十五里。

有司奏上尊廟曰世祖。夏四月丙辰，詔曰：「予末小子。」

〔集解〕

惠棟曰：尙書顧命，王曰：「眇眇予末小子。」

奉承聖業，夙夜震畏，不敢荒寧。先帝受命中興，德侔帝王，協和萬邦，假於上下。

〔集解〕假，至也。音格。

懷柔百神，惠於鰥寡。

懷，安也。柔，和也。禮曰：「凡山林能興雲致雨者，皆曰神。」有天下者，祭百神。懷柔百神也。書曰：「惠於鰥寡。」〔集解〕惠棟曰：漢書谷永傳引書云：「懷保小人，惠于鰥寡。」蔡邕石經同。今書作惠鮮，爲孔氏注云：「加惠鮮乏。」

鰥寡之人，說迂曲，不若從石經，漢書爲正。

朕承大運，繼體守文。

創基之主，則尙武功，以定禍亂。其次繼體而立者，則守文德。穀梁傳曰：「承明繼體，則守文之君也。」

不知稼穡之艱難，懼有

廢失，聖恩遺戒，顧重天下。呂元元爲首。

〔集解〕惠棟曰：此遺詔中文，史不載也。

公卿百僚，將何呂輔朕不逮，其賜天下男子

爵人二級。

前書音義曰：男子者，謂戶內之長也。商鞅謂秦制爵二十級：一公士，二上造，三簪鬋，四不更，五大夫，六官大夫，七公大夫，八公乘，九五大夫，十左庶長，十一右庶長，十二左更，十三中更，十四右更，十五少上造，十六大上造，十七卿車庶長。

十八大庶長，十九關內侯，二十徹侯。人賜爵者，有罪得贖，貧者得賣與人。

三老、孝悌、力田，人二級。

三老、孝悌、力田，三者皆鄉官之名。三老，高帝置。孝悌、力田，高后置。所以勸導鄉里，助成風化也。文帝詔曰：「孝悌天下之大順也。」

力田爲生之本也。三老衆人之師也。其以戶口率置員。事見前書。

爵過公乘得移與子若同產同產子。

漢制賜爵自公士已上不得過公乘。故過者得移授也。同產同母兄弟也。〔集解〕惠棟曰劉劭

爵制曰吏民爵不得過公乘得實與子若同產。

及流人無名數欲自占者人一級。

無名數謂無文簿也。占謂自歸首也。〔集解〕劉劭曰及流人無名數案他處詔書皆上有脫無名數則云及流人云云此無故

不當有及字。三年詔亦無可互驗。惠棟曰宣帝紀地節二年詔曰流民自占八萬餘口。師古曰占者謂自隱度其戶口而著名籍也。占音之贍反。

鰥寡孤獨篤癯粟人十斛其施刑及郡國徒。

在中元元年四月己卯赦前所犯而後捕繫者悉免其刑。又邊人遭亂爲內郡人妻在己卯赦前一切

遣還邊恣其所樂中二千石下至黃綬。

漢制二百石以上銅印黃綬也。

貶秩贖論者悉皆復秩還贖方今上無天子下無

方伯。

公羊傳曰上無天子下無方伯此制引以爲謙也。〔集解〕惠棟曰集覽正誤云此因光武初崩故云與公羊義不同棟案此正誤臆說章懷注是也章帝建初七年詔亦云上無明天子下無賢方伯豈當時亦因明帝初崩耶。

若涉淵水。

而無舟楫夫萬乘至重而壯者慮輕。

帝謙言年尙少壯思慮輕淺故須賢人輔弼。

實賴有德左右小子。

賴恃也左右助也。

高密侯禹元

功之首東平王蒼寬博有謀竝可呂受六尺之託臨大節而不撓。

六尺謂年十五已下大節謂大事撓風也音女孝反。

其呂禹爲太傅。

蒼爲驃騎將軍太尉憲告諡南郊。

趙憲也應劭風俗通曰禮臣子無爵諡君父之義也。故羣臣累其功美葬日遣太尉於南郊告天而諡之。

司徒訢奉安梓宮。

李訢也梓宮以梓木

爲棺風俗通曰宮者存時所居緣生事死因以爲名

司空魴將校復土

馮魴也將校謂將領五校兵以穿壙也前書音義曰復土主穿壙墳墓事也言下棺訖復以上爲墳故言復土

其封憲爲節鄉侯

訢爲安鄉侯魴爲楊邑侯秋九月燒當羌寇隴西敗郡兵於允街

允街縣名也允音鉛街音佳屬金城郡故城在今涼州昌松縣東南城臨麗水一名麗水

城〔集解〕先謙曰在今涼州府平番縣南

赦隴西囚徒減罪一等勿收今年租調又所發天水三千人亦復是歲更賦

更謂戌卒更相代也

賦謂雇更之錢也前書音義曰更有三品有卒更有踐更有過更古正卒無常人皆當迭爲之有一月一更是爲卒更貧者欲得雇更

錢次直者出錢雇之月一千是爲踐更古者天下人皆當戍邊三日亦名爲更不可人人自行三日戍當行者不可往即還因任一歲

次直者出錢三百雇之謂之過更〔集解〕劉放曰注有一月二

遣謁者張鴻討叛羌於允吾

允吾縣名屬金城郡故城在今蘭州廣武縣西南允音沿吾音

更案文多一有字緣一月字似有故衍因任一歲案任當作住

牙〔集解〕先謙曰今蘭州府皋蘭縣地

鴻軍大敗戰歿冬十一月遣中郎將竇固監捕虜將軍馬武等二將軍

在河北皋蘭縣西北注蘭是蘭之誤

討燒當羌十二月甲寅詔曰方春戒節人呂耕桑其敕有司務順時氣使無煩擾

禮記孟春之月布德和令行慶施惠仲春無作大事

以妨農事

天下亡命殊死目下聽得贖論死罪入縑二十匹右趾至髡鉗城旦春十匹

前書音義曰右趾謂則其右足次則左足次則次髡

次髡鉗爲城旦春城旦者晝日伺寇虜夜暮築長城

完城旦春至司寇作三匹

完者謂不加髡鉗而築城也次鬼薪白粲次隸臣妾次司寇作

其未發

春者婦人犯罪不任軍役之事但令春以食徒者

覺詔書到先自告者半入贖今選舉不實邪佞未去權門請託殘吏放手

放手謂貪縱爲非也

百姓愁怨情無告

訴有司明奏罪名並正舉者

舉非其人並正舉主之罪〔集解〕惠棟曰應劭漢官儀曰建武八年世祖詔方今選舉賢佞朱紫錯用自今以後審四科辟召及刺史二千石察舉茂才尤異者孝廉廉吏務盡實覈選擇英俊賢行廉潔平端於縣邑務受試以職有非其人臨計過署

不便習曹事書疏不端正不如詔書有司奏罪名并正舉者

又郡縣每因徵發輕爲姦利詭責羸弱先急下貧其務

在均平無令枉刻

永平元年春正月帝率公卿已下朝於原陵如元會儀

漢官儀曰古不墓祭秦始皇起寢於墓側漢因而不改諸陵寢皆以晦望二十四氣三伏社臘及四時上飯其親陵所宮

人隨鼓漏理被枕具鹽水陳莊具天子以正月上原陵公卿百官及諸侯王郡國計吏皆當軒下占其郡國穀價四方改易欲先帝魂魄聞之也元會儀見下

夏五月太傅鄧禹薨戊寅東海王彊薨遣

司空馮魴持節視喪事賜升龍旄頭鑾輅龍旂

旄頭見光武紀鑾鈴也在鑾交龍爲旂唯天子用之今特賜以葬

六月乙卯葬東海恭王秋

七月捕虜將軍馬武等與燒當羌戰大破之募士卒戍隴右賜錢人三萬八月戊子徙山陽王荆爲廣

陵王遣就國是歲遼東太守祭彤使鮮卑擊赤山烏桓大破之斬其渠帥

赤山在遼東西北數千里

越嶲姑復夷叛姑復

縣名〔集解〕先謙曰前志姑復臨池澤在南陳澧云

卽今永北廳程海姑復近鴉礪金沙二江合流處

州郡討平之

〔集解〕惠棟曰續志益州擊姑復蠻夷大牟替滅斬首傳詣洛陽

二年春正月辛未宗祀光武皇帝於明堂帝及公卿列侯始服冠冕衣裳玉佩絢屨昌行事

漢官儀曰天子冠通天諸

侯王冠遠遊三公諸侯冠進賢三梁卿大夫尙書二千石博士冠兩梁二千石已下至小吏冠一梁天子公卿特進諸侯祀天地明堂皆冠平冕天子十二旒三公九卿諸侯七其纓各如其綬色玄衣纁裳周禮曰王祀昊天上帝則服大裘而冕祀五帝亦如之三禮圖曰冕以三十升布染而爲之廣八寸長尺六寸前闔後方前下後高有倣伏之形故謂之冕欲人之位彌高而志彌下故以名焉董巴輿服志曰顯宗初服冕衣裳以祀天地衣裳以玄上纁下乘輿備文日月星辰十二章三公諸侯用山龍九章卿已下用華蟲七章皆五色采乘輿刺繡公卿已下皆織成陳留襄邑獻之徐廣車服注曰漢明帝案古禮備其服章天子郊廟衣阜上絳下前二幅後四幅衣畫而裳繡禮記曰古之君子必佩玉君子於玉比德焉天子佩白玉諸侯佩山玄玉大夫佩水蒼玉世子佩瑜玉周禮屨人掌王赤舄青絢鄭玄注云赤舄爲上冕服之舄也絢屨鼻頭以青絲飾之絢音劬三禮圖曰屨複下曰舄其色各隨裳色〔集解〕劉攽曰注二千石已下至小吏案上文已云二千石冠兩梁此則多一二字禮畢登靈臺使尙書令持

節詔驃騎將軍三公曰今令月吉日宗祀光武皇帝於明堂昌配五帝

五經通義曰蒼帝靈威仰赤帝赤熛怒黃帝含樞紐白帝白招矩黑帝叶光紀

牲幣及玉各依方色〔集解〕劉攽曰注白招矩案禮作白招拒音矩不便作矩也

禮備法物樂和八音詠祉福舞功德

祉亦福也詠謂詩云降福穰穰之類景帝詔曰歌者所以發德舞者所以明功

其班時令勅羣后

班布也時令謂月令也四時各有令若有乖舛必致妖災故告之〔集解〕劉攽曰正文案此詔方敘行禮事未有敕下語則此其字爲衍文下文自有其令天下云云

事畢升靈臺望元

氣吹時律觀物變

元氣天氣也王者承天心理禮樂通上下四時之氣也故望之焉時律者即月令孟春律中太簇仲春律中夾鍾之類大戴禮曰聖人戡十二管察八音之清濁謂之律呂律呂不正則諸氣不和周禮保章氏以五雲之色

辨吉凶水旱豐荒之禮象鄭司農注云以二至二分觀雲色青爲蟲白爲喪赤爲兵荒黑爲水黃爲豐故春秋傳曰凡分至啓閉必書雲物爲備故也杜預注云物謂氣色災變也

羣僚藩輔宗室子孫衆郡奉計百

蠻貢職

奉計謂計吏也詩曰因時百蠻百言衆多也獨言蠻通四夷也

烏桓濊貊咸來助祭單于侍子骨都侯亦皆陪位斯固聖祖功德之

所致也朕曰闇陋奉承大業親執圭璧恭祀天地

周禮曰四圭尺有二寸以祀天又曰以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方

仰

惟先帝受命中興撥亂反正呂寧天下

撥理也公羊傳曰撥亂世反之正莫近於春秋

封泰山建明堂立辟雍起靈臺恢弘大道

被之八極

淮南子曰九州之外有八寅八寅之外有八紘八紘之外有八極

而胤子無成康之質羣臣無呂旦之謀

明帝自謂無成康之時刑措不用四十餘年〔集解〕劉攽

曰注案文意當更有成康之質四字然後云成康之時

盟洗進爵踞蹠惟慙

鄭玄注論語云踞蹠敬恭貌盟音管

素性頑鄙臨事益懼故君子坦蕩蕩小人

長戚戚

坦蕩明達之貌戚戚常憂懼也

其令天下自殊死呂下謀反大逆皆除之百僚師尹其勉修厥職順行時令敬若

昊天呂綏兆人

若順也

三月臨辟雍初行大射禮

儀禮曰大射之禮王將祭射宮擇士以助祭也張虎侯熊侯豹侯其制若今之射的矣謂之爲侯者天子射中之可以服諸侯也天子侯中一

丈八尺。畫以雲氣焉。王以六耦射三侯。樂以騶虞九節。諸侯以四耦射二侯。樂以狸首七節。孤卿大夫以三耦射一侯。樂以采蘋五節。士以二耦射豸侯。樂以采芣三節。〔集解〕劉放曰。注儀禮曰。大射之禮。案此非儀禮本文。不合著曰字。

秋九月。沛

王輔。楚王英。濟南王康。淮陽王延。東海王政。來朝。冬十月壬子。幸辟雍。初行養老禮。詔曰。光武皇帝建

三朝之禮。而未及臨饗。

三朝之禮。謂中元元年。初起明堂。辟雍。靈臺也。

眇眇小子。屬當聖業。

尙書康王曰。眇眇予末小子。孔安國注云。眇眇。猶微微也。

間暮春吉辰。

初行大射。令月元日。

東觀記曰。十月元日。

復踐辟雍。尊事三老。兄事五更。安車輶輪。供綏執授。侯王設醬。公卿饌

珍。朕親袒割。執爵而醕。

孝經援神契曰。尊事三老。父象也。宋均注曰。老人知天地之事者。安車。坐乘之車。輶輪。以蒲裹輪。輶音而窕反。三老就車。天子親執綏授之。說文。綏。車中把也。五更。老人知五行更代事者。漢官儀曰。三老。五

更。皆取有首妻。男女全具者。續漢志曰。養三老五更。先吉日。司徒上太傅若講師。故三公人名。用其德行年耆高者。三公一人爲三老。次卿一人爲五更。皆服絺紵大袍單衣。皁緣領袖中衣冠。進賢扶玉杖。五更亦如之。不杖。皆齊于太學講堂。其日乘輿先到辟雍。禮畢。

殿坐于東廡。遣使者安車迎三老五更。天子迎于門屏。交拜。導自阼階。三老自賓階升。東面。三公設几杖。九卿正履。天子親袒割俎。執

醬而饋。執爵而醕。五更南面。三公進供。禮亦如之。明日皆詣闕謝。以其於己禮大隆也。醬醕也。珍。謂肴羞之屬。卽周禮八珍之類。鄭玄

注儀禮云。醕。漱也。所以潔口音。〔集解〕劉放曰。注老人知天地之事。案本以知天地人三才。故謂之三老。則此之字。當作人也。惠棟曰。玉杖當作王杖。

祝哽在前。祝嘏在後。

老人食多哽咽。故置人於前後祝之。令其不哽噎也。

升歌鹿鳴。下管新宮。

鹿鳴。詩小雅篇名也。新宮。小雅逸篇也。升。登也。登堂而歌。所以重人聲也。燕禮曰。升歌鹿鳴。下管新宮。〔集解〕惠棟曰。案此則後漢時新宮之樂尙存。

八佾具脩。萬舞於庭。

伶列也。謂舞者行列也。左氏傳曰：天子八佾，諸侯六，大夫四，士二。夫舞所以節八音而行八風，故自八以下，萬亦舞也。詩云：公庭萬舞。

朕固薄德，何呂克當。易陳負乘，詩刺彼己。

易曰：負且乘，致

寇至，負也者，小人之事也。乘也者，君子之器也。小人而乘君子之器，盜思奪之矣。詩曰：彼己之子，不稱其服也。

永念慙疚，無忘厥心。三老李躬。

〔集解〕惠棟曰：躬，常山人。見東觀記。胡注：桓榮傳及袁紀，詔獨言桓榮，不

及李躬。棟案不言李躬者，省文也。

年著學明，五更桓榮，授朕尚書。詩曰：無德不報，無言不酬。

詩大雅也。

其賜榮爵，關內侯，食邑

五千戶。三老五更，皆呂二千石祿，養終厥身。其賜天下三老酒，人一石，肉四十斤。有司其存嘗羞。

禮記曰：六

十日嘗，七十曰耄。釋名曰：耄，指也。不從力役，指事使人也。耄，鐵也。皮膚變黑色如鐵也。

恤幼孤，惠鰥寡，稱朕意焉。中山王焉始就國。甲子，西巡狩，幸長安，祠

高廟。

〔集解〕汪文臺曰：文選張衡東京賦注，引華嶠書云：明帝至長安，迎取飛廉并銅馬，置上西門平樂觀。

遂有事於十一陵，歷覽館邑，會郡縣吏，勞賜作樂。

〔集解〕惠棟曰：

東觀記：時有縣三老上章云：陛下入東都，臣望顏色，儀類先帝。臣一驢喜，百姓嚴設如舊時。臣二驢喜，見吏賞賜，識先帝時事。臣三驢喜，陛下聽用直諫，嘿然受之。臣四驢喜，陛下至明，懲艾酷吏，視人如赤子。臣五驢喜，進賢用能，各得其所。臣六驢喜，天下太平，德合於

堯。臣七驢喜，帝令上殿，欲觀上衣，因舉虎頭衣，以畏三老。

十一月甲申，遣使者呂中、牢、蕭何、霍光，帝謁陵園，過式其墓。

東觀漢記曰：蕭何墓在長陵東司馬門道

北百步。又云：霍光墓在茂陵東司馬門道南四里，式敬也。禮記曰：行過墓必式。

進幸河東，所過賜二千石，令長已下至於掾史，各有差。

續漢志曰：郡國及縣諸曹皆置掾史。

癸卯車駕還宮十二月護羌校尉竇林下獄死。

〔集解〕惠棟曰東觀記林奉使羌顛岸降詣林林欲以爲功効奏言大豪後顛岸兄顛吾復詣林林言其第一豪問事狀林對前後兩屈林以

誣罔詣獄上不忍誅免官後涼州刺史奏林贓罪復收繫羽林監遂死獄中棟案林爲竇融從兄子也。

是歲始迎氣於五郊。

續漢書曰迎氣五郊之兆四方之兆各依其位中央之兆在未壇皆二尺立春之日迎春於東郊祭青帝

句芒車服皆青歌青陽八佾舞雲翹之舞立夏之日迎夏於南郊祭赤帝祝融車服皆赤歌朱明八佾舞雲翹之舞先立秋十八日迎黃靈於中兆祭黃帝后土車服皆黃歌朱明八佾舞雲翹育命之舞立秋之日迎秋於西郊祭白帝蓐收車服皆白歌白藏八佾舞育命之舞立冬之日迎冬於北郊祭黑帝玄冥車服皆黑歌玄冥八佾舞育命之舞

少府陰就子豐殺其妻酈邑公主就坐自殺。

酈縣屬南陽郡酈音櫟〔集解〕先謙曰在今南陽府內鄉縣東北。

三年春正月癸巳詔曰朕奉郊祀登靈臺見史官正儀度。

儀謂渾儀以銅爲之置於靈臺王者正天文之器也度謂日月星辰之行度也史官卽太史掌天文之官也。

夫春者歲之始也始得其正則三時有成。

正謂日月五星不失其次也三時謂春夏秋左傳曰務其三時。

比者水旱不節邊人食寡政失於

上人受其咎有司其勉順時氣勸督農桑去其螟蟊及蝥賊。

爾雅曰食苗心曰螟食節曰蟊食根曰蝥蟊一名短狐今之水弩含沙射人爲災言此者欲令臣下

順時行政勿侵擾也〔集解〕錢大昕曰蟊當爲蟊卽覬字爾雅作蟊注以爲短狐失之。

詳刑愼罰。

〔集解〕惠棟曰古文尙書呂刑曰度作詳刑以詰四方又曰告爾詳刑鄭元注云詳審察之也愼罰見康誥。

明察單辭。

猶偏辭也〔集解〕惠棟曰呂刑曰明清于單辭何若瑤曰朱浮傳注言無正據也

夙夜匪懈。呂稱朕意。二月甲寅。太尉趙憙。司徒李訢免。丙辰。左馮翊

郭丹爲司徒。己未。南陽太守虞延爲太尉。甲子。立貴人馬氏爲皇后。皇子烜

音丁達反

爲皇太子。賜天下男

子爵人二級。三老孝悌力田人三級。流人無名數。欲占者。人一級。鰥寡孤獨篤癯貧不能自存者粟。人

五斛。夏四月辛酉。封皇子建爲千乘王。

千乘。國名。今青州縣。故城在今淄州高苑北。〔集解〕先謙曰。今青州府高苑縣地。

義爲廣平王。六月丁卯。有星

孛于天船北。

天船。星名。續漢志曰。天船爲水。孛出之爲大水。是歲伊洛水溢。到津城門。伏侯古今注曰。孛長三尺所見三十五日乃去。

秋八月戊辰。改大樂爲太子樂。

尙書璇璣鈴曰。有帝漢出。

德洽作樂名。子故據璇璣鈴改之。漢官儀曰。太子樂令一人。秩六百石。

壬申晦。日有蝕之。

〔集解〕惠棟曰。續志。在氏二度。氏爲宿宮。是時明帝作北宮。袁宏紀。是時刑法嚴峻。人懷憂懼。因是變也。

詔曰。朕奉承

祖業。無有善政。日月薄蝕。彗孛見天。水旱不節。稼穡不成。人無宿儲。下生愁墊。

儲。積也。墊。溺也。音丁念反。

雖夙夜勤思。

而智能不逮。昔楚莊無災。呂致戒懼。

說苑曰。楚莊王見天不見妖。而地不出孽。則禱于山川曰。天其忘余歟。此能求過于天。必不逆諫矣。

魯哀禍大。天不降譴。

春秋感精

符曰。魯哀公時。政彌亂。絕不日食。政亂之類。當致日食之變。而不應者。譴之何益。告之不悟。故哀公之篇。絕無日食之異。〔集解〕惠棟曰。案春秋哀公十有四年五月庚申朔。日有食之。注謂哀公之篇。絕無日食之異。此緯書之謬。緣春秋古文後出。止據公穀兩傳。故劉

向集亦云。春秋二百四十年。日食三十六。不數哀公也。

今之動變。儻尙可救。有司勉思厥職。呂匡無德。古者卿士獻詩。百工箴諫。

國語曰天

子聽政。公卿至于庶士獻詩。師箴百工諫。庶人傳語。近臣進規。而後王斟酌事焉。

其言事者。靡有所諱。冬十月。蒸祭光武廟。

禮記曰。冬祭曰蒸。蒸。衆也。冬物畢成。可祭者衆。

初奏

文始。五行。武德之舞。

前書曰。文始舞者。本舜韶舞也。高祖六年。更名曰文始。其舞人執羽籥。五行者。本周舞也。秦始皇二十六年。更名曰五行。其舞人冠冕衣服。法五行色。武德者。高祖四年作。言行武以除亂也。其舞人執干戚。光武

草創。禮樂未備。今始奏之。故云初也。

甲子。車駕從皇太后幸章陵。觀舊廬。

〔集解〕惠棟曰。東觀記。上與皇太后幸南陽章陵。周觀舊廬。召見陰鄧故人。上在於道所見吏。勞賜省事畢。步行觀部署。不用輦車。

十二月戊辰。至自章陵。是歲。起北宮及諸官府。京師及郡國七大水。

四年春。

〔集解〕汪文臺曰。御覽二十九引司馬書云。永平四年。詔曰。比來水旱饑饉。加有軍旅。正旦無陳朝賀之儀。

二月辛亥。詔曰。朕親耕藉田。呂祈農事。

禮記曰。天子親耕于東郊。

爲藉田千畝。冕而朱紘。躬秉耒耜。五經要義曰。天子藉田。以供上帝之粢盛。所以先百姓而致孝敬也。藉。蹈也。言親自蹈履于田而耕之。續漢志云。正月始耕。既事告祠先農。漢舊儀曰。先農。即神農炎帝也。祠以太牢。百官皆從。皇帝親執耒耜而耕。天子三推。三公五。孤卿十。大夫十二。士庶人終畝。乃致藉田倉。置令丞。以給祭天地宗廟。以爲粢盛。〔集解〕先謙曰。官本注。致作置。

京師冬無宿雪。春不燠沐。

燠。暖也。音於六反。沐。潤澤也。言無暄潤之氣也。

煩勞羣司。積

精禱求。

積精。猶儲積也。說文云。告事求福曰禱。〔集解〕何若璩曰。管子。中不精者。心不治。注。精。誠至之謂也。積精。猶積誠。注。非。

而比再得時雨。宿麥潤澤。其賜公卿半奉。有司

勉遵時政。務平刑罰。秋九月戊寅。千乘王建薨。冬十月乙卯。司徒郭丹。司空馮魴免。丙辰。河南尹范遷爲司徒。太僕伏恭爲司空。十二月。陵鄉侯梁松下獄死。

坐縣飛書誹謗。

五年春二月庚戌。驃騎將軍東平王蒼罷歸藩。琅邪王京就國。冬十月。行幸鄴。與趙王栩會鄴。常山三老言於帝曰。上生於元氏。願蒙優復。詔曰。豐沛濟陽。受命所繇。加恩報德。適其宜也。今永平之政。百姓怨結。而吏人求復。令人愧笑。重逆此縣之拳拳。

重。難也。拳拳。猶勤勤也。禮記曰。得一善。則拳拳服膺而不息。

其復元氏縣田租更賦六歲。

勞賜縣掾史及門閭走卒。

續漢志曰。五伯鈴下。侍閤門閭。部署街里。走卒皆有程品。多少隨所典領。〔集解〕惠棟曰。元和郡縣志引後漢書曰。賜縣掾史及門閭走卒錢。

至自鄴。十一月。北匈奴寇五原。十二月。寇雲中。南單于擊卻之。是歲。發遣邊人在內郡者。賜裝錢人二萬。

六年春正月。沛王輔。楚王英。東平王蒼。淮陽王延。琅邪王京。東海王政。趙王盱。北海王興。齊王石。來朝。

二月。

〔集解〕惠棟曰。宋志作三月。

王雒山出寶鼎。

雒。或作雒。〔集解〕惠棟曰。東觀記作雒。

廬江太守獻之。夏四月甲子。詔曰。昔禹收九牧之

金鑄鼎呂象物。

〔集解〕惠棟曰：春秋傳曰：昔夏之方有德也，遠方圖物，貢金九牧，鑄鼎象物，不指何君。墨子天柱篇以爲夏啓之事。墨子在春秋時，當得其實。漢時皆以爲夏禹事，失之。

使人知神姦，不逢惡

氣。

夏禹之時，令遠方圖畫山川奇異之物，使九州之牧貢金，鑄鼎以象之，令人知鬼神百物之形狀而備之，故人入山林川澤，魑魅罔兩，莫能逢之，惡氣謂罔兩之類，事見左傳。

遭德則興，遷于商周，周德既衰，

鼎迺淪亡。

史記曰：周鼎亡入泗水中，秦始皇過彭城，齋戒，欲出周鼎於泗水，使千人沒水，求之不得。

祥瑞之降，呂應有德，方今政化多僻，何呂致茲？易曰：鼎

象三公。

易曰：鼎折足，覆公餗。〔集解〕通鑑胡注：此蓋易緯之辭。惠棟曰：案鼎三足，象三公，故云。前漢彭宣曰：三公鼎足承君，是也。胡云易緯之辭，何所據耶？

豈公卿奉職，得其理邪？太常其呂

祭之日。

禮記曰：夏祭曰禘，音藥，禘，薄也。夏物未成，祭尙薄。

陳鼎於廟，呂備器用，賜三公帛五十匹，九卿二千石半之，先帝詔書，禁人

上事言聖，而間者章奏，頗多浮詞，自今若有過稱虛譽，尙書皆宜抑而不省，示不爲諂子蚩也。冬十月，

行幸魯，祠東海恭王陵，會沛王輔、楚王英、濟南王康、東平王蒼、淮南王延、琅邪王京、東海王政。十二月，

還幸陽城，遣使者祠中岳。壬午，車駕還宮。東平王蒼、琅邪王京從駕來朝。皇太后。

七年春正月癸卯，皇太后陰氏崩。二月庚申，葬光烈皇后。

〔集解〕通鑑胡注：西京諸后皆從帝諡，惟衛思后許恭哀后不以壽終，而別追諡之，從帝諡而又加一字，自陰后始。